



卷八

藝文下

墓表

賦

詩



太谷縣志卷八

墓表



明

文學孔環橋墓表

韓宗文

君諱進覺環橋其字也曾祖諱公幹生曷曷生思唐娶智氏生二子次詣覺長為君君生而岐嶷頑碩瞻視不常二旬餘補邑庠弟子員孝事父母夜必溫清既寢屏息伺牖外安枕則歸臥否必詢所以父嘗病溷溷必視其色知無恙則色喜母患腹

大谷縣志

卷八

藝文彙

一

疾侍湯藥不解衣帶朝夕周旋畧無倦容父母卒哀毀骨立三年盡禮生平口不言貨利貨產計簿皆綜理弟手省試所需索之弟歸即予其橐平生喜飲而不及亂所交皆雅飭士家道繁昌終其身所著皆布衣芒屨至如嚴氣正性一事所為不當如莽蜂之在體學使者廉優行君常與焉無何邁疾終崇禎六年十月四日也距生萬曆十年六月二十一日享年五十有二子二長仕魯邑庠生次變魯邑庠生銘曰幽阡孔安以棲其魂松柏茂矣

宜爾子孫

國朝

翼城縣訓導吳君墓表

進士 王 系 榆次人

君諱瑛字玉英號蓮溪前世代有偉人王父旺山公廉幹勤敏以計然策起家尊人靜觀先生天性豪邁讀書過目成誦蚤歲補博士弟子員旋餼於庠年近知非卽成歲進士君善繼父志攻舉子業弱冠遊庠數載不售歲辛未以例貢入成均天性純孝父卒哀毀骨立一切祭葬如禮而春露秋霜

太谷縣志

卷八

藝文彙

二

之感數十年如一日生母喬太孺人賢而蚤逝事繼母張愉色婉容敬養兼至他若交友以信待人以誠篤於宗族厚於親串更難屈指數也居鄉嘗設絳帳授生徒懇勲誘掖終日不倦遊其門者多所成就歲己丑秉鐸翼庠集諸生於明倫堂分題角藝而甲乙之文風丕振科第倍盛於前其有志科舉而苦貧乏者輒給與之辛丑翼邑大荒奉憲賑饑君於窮山僻壤之中足跡遍至務使實惠均沾洵稱不愧厥職者無何以疾卒於官時康熙六

十一年十二月初四日也距其生於康熙四十年  
月十三日享年五十有八元配安孺人性情和淑  
年十六于歸事繼姑張順志承顏克敦婦道持家  
甚勤夙興夜寐躬先倡率凡歲時伏臘祀祖奉先  
蘋蘩筐篚必盡誠致潔至於教子孫待婢僕勞以  
成愛嚴而寓寬且性好施與親戚里黨有所求毫  
無吝惜孺人生於康熙六年六月初六日卒於雍  
正六年三月初二日享壽六十有一生丈夫子五  
長其謚字子安太學生次其誠太學生次其詡太  
學生次其諮增廣生次其讓廩膳生女二孫男十  
五孫女十三雍正七年三月廿八日合塋於城南  
南張村之原先期遣人持行狀求余文以表墓楡  
與谷邑壤相接知先生與孺人之行誼詳且悉不  
敢以不敏辭因歷叙其大概焉

贈修職郎杜君墓表

提督  
學政黃淑琬 宛平人

君諱博字約夫先世本秦中人始祖讓甫明初徙  
居山右遂爲晉陽太谷人屢世以儒起家大父諱  
奇榮爲邑名諸生豁達曉大體明末流寇薄城闔

邑惶懼因絕城說賊緩攻已而官兵四至賊乃潰去其他排難解紛談言微中大率類此父諱書林字文苑

國初取士入學爲首選弱冠食廩足跡不履市廛母白氏棄君襁褓中繼母胡氏撫君成人生而岐嶷不喜嬉弄雖尊長不幼狎之甫授書寓目成誦出語驚人比長丰骨聳秀如寒松秋鶴亭亭物表遊庠食餼皆冠一軍才名藉甚諸先達以第一人期之顧數奇屢困場屋同志輒爲不平君恬然處之

太谷縣志

卷八

藝叢

四

旣乃益下董帷沉酣經史貫串百家遐邇負笈從遊者戶外屢常滿焉君性最孝事親色養痛幼失恃每逢忌辰及已生日輒號泣不起事繼母下氣怡聲不違其志三十年如一日居喪哀毀骨立殯塋悉遵家禮雅不喜浮屠方士家言爲人剛正廉介遇事敢言邑有建議當事者每借箸焉君籌畫切中機宜未嘗絲毫利己其在學校則肅體統慎名節多士奉爲楷模嘗謂學者必先立品行若行已有虧縱侈談性命皆浮詞耳家徒四壁不事生

業課授生徒外不肯干人以私修資偶贍則以賑夫窘急無告者貧而好施蓋其天性然與治家嚴而有法諸子有過懲創尤切雖孩提稍長不少假以辭色人擬於漢石氏云生順治丙戌年九月十日戌時卒康熙丙子年八月十日寅時享年五十一元配王幽閒慎淑不愆於儀善相夫子克敦婦道生順治己丑年十一月二十一日未時卒康熙癸丑年四月二十三日未時享年二十有五繼配李事姑能孝撫孤以慈節儉寬仁終身如一生順

太谷縣志

卷八

藝文

五

治戊戌年正月十二日亥時卒雍正乙巳年二月七日辰時享年六十有八丈夫子五冠瀛玉出甲瀛元瀛邑庠生先瀛康熙辛丑進士內廷教習首瀛舉雍正癸卯鄉試第一俱李出女子三王出者一李出者二孫男六方升方興方盛方至方毅方將會孫男二祁郊將以今年十月六日合葬於城西付井祖塋之兆乞文於余余與兩生有通家誼故爲援筆而表君之墓

贈文林郎文學名世武君墓表

任蘭枝

溧陽人

丁未春

世宗憲皇帝御極之五年余與門人鄒君升恒同分校禮  
闈山右孝廉武子一韓出鄒君門下越四年辛亥  
除授直隸宣化府懷安縣令雍正十三年乙卯恭  
逢

覃恩例得以己身妻室封典貤封其祖父母遣伴走京  
師持其祖父母年譜行實請表於余曰韓祖父母  
受

天子誥命將勒石以垂不朽願太夫子賜以如椽用光

太谷縣志

卷八

藝叢

六

泉壤余謹按贈君諱世奇字名世係太原郡之陽  
邑人父旺泉公爲人卓犖不羣捐館時贈君方在  
襁褓賴太孺人王矢靡他而育之提攜顧復如是  
者有年然又慮孺子之無以教之也遣就傅贈君  
舉止異凡兒出居學舍則口誦手披入侍慈闈則  
昏定晨省初不敢玩愒遊佚重傷孀母心故年甫  
弱冠卽青其衿旋補增廣弟子員爲文清真矯健  
絕去鉛華明毛鄭詩善講說谷邑人士相與執經  
而考疑者繼於門且爲人丰神俊朗意氣豪邁親

明輩偶有忿爭輒爲排解之兩造遂平性好施予  
家本貧甚見有窶人子輒以錢粟資之不責其償  
蓋蚤已爲昌後地矣元配杜氏贈孺人婦道克嫻  
相夫子無違德太孺人王老且病孺人朝夕侍飲  
食藥餌無倦容撫子若女恩義備至而待臧獲則  
一以慈無疾言厲色固婉婉之教所不及者續娶  
趙孺人性行和淑庭無間言贈君卒於康熙辛未  
年九月三十日享年五十有三杜孺人先君卒者  
十四年享年三十有九趙孺人後君卒三年享年  
五十有七有子二俱杜出長惠次忠女二亦杜出  
孫男二俱惠出曾孫男九元孫男二鸞停鵠峙俱  
頭角嶄然蓋惟贈君積之也厚斯流之也光知所  
由來者遠矣余與懷安令素有淵源不可以辭爰  
執筆以傳其祖父母逸事而又嘉令之孝思不匱  
能追崇其先也因並及之昭茲來許云

贈文林郎直心武君墓表

侍講  
學士鄒升恒無錫人

贈君諱惠字直心天資醇厚禔躬端謹爲人寡言

笑慎然諾恂恂然儒生也長而賈於市與人交一

本於誠雖五尺之童莫之或欺至人以橫逆來君  
胸懷坦易匪惟不報抑且不校故里中人無論識  
與不識咸稱爲善人善人云辛未丁父艱君天性  
純孝擗踊哀號雖囊無剩財拮据卒瘞以襄大事  
而喪葬卒如禮逾年壬申家計益窘君慨然曰丈  
夫志四海何必鬱鬱久居此乎跋履間關至於遼  
左貸富人錢以權子母越二年甲戌補奉天之鐵  
嶺尉者君外舅也鐵嶺衝邑俸不足養廉君倒囊  
三十金給之以資官用其豪爽慷慨蓋天性然也

太谷縣志

卷八

藝叢

八

丁丑八月廿九日以疾卒迨辛巳外舅告歸返其  
櫬淑配孔氏贈孺人善事舅姑無違夫子戊午太  
孺人杜見背遺稚子弱女孺人撫養之凡衣服飲  
食無異太孺人在生日自君外出逮遭慘變十載  
之中室家多難風雨飄搖乃孺人矢志存孤含淚  
飲泣服勞不倦或漏下至夜分猶聞機杼刀尺聲  
且勤於訓子和熊畫荻之外惟示以克繩祖武爲  
兢兢時或有過卽譙讓不少貸嗚呼孺人之力孳  
矣孺人之功益懋矣孺人卒於辛巳正月廿三日

享年四十有四壬午八月與君合塋西郊二里許  
祖塋之次有子二長一韓康熙丁酉舉人雍正丁  
未進士授直隸宣化府懷安令次一范庠生女一  
孫男九長綏圖國學生韓出次壯圖范出次銳圖  
韓出次瑞圖次御圖范出次鞏圖韓出次衛圖次  
壽圖次龍圖范出孫女四韓出者二范出者二曾  
孫男二一鼎升一巽升子孫振振繩繩何其盛也  
天之報施善人固如是其信而有徵哉茲以雍正  
十三年乙卯恭逢

大谷縣志

卷八

藝叢

九

覃恩錫之

勅命門人懷安令走伴都門持贈君孺人行狀斬余文  
以表墓余誼屬通家不可以辭爰叙次其巔末今  
而後贈君之懿行與孺人之苦節可與貞珉同不  
朽矣

范公韜齋墓表

王嘉俊

興縣人

君諱煒字仲光姓范氏韜齋其號也先世洪洞人  
明初始祖從善遷籍谷邑家范村祖諱澤喜詩書  
敦善行爲鄉里推重父諱淑仁字又純邑庠增生

以君仕貶贈修職郎母郝孺人君器宇寬洪丰姿  
嚴重方少時風度如成人年弱冠補邑庠弟子員  
尋補增廣生益潛心經史銳意進取乃數奇困場  
屋者十餘年雍正庚戌督學朱公以行優貢入成  
均甲寅劄監肄業乙卯揀選引

見命往兩淮鹽場委用厯署餘東石港金沙掘港等場  
所至無赫赫聲去後人多思之蒞任西亭凡八載  
以廉惠稱厯奉檄紀錄四次時慈闈年邁以屢乞  
終養不獲爲念與人言輒淚下乾隆十年乙丑再

大谷縣志

卷八

夔囊

十

四懇請始允歸旋里承歡數月而郝孺人辭世矣  
公哀毀骨立三年內以不逮養時抱恨服除補松  
江批驗所甫抵任釐積弊整廢務各憲器重之君  
嘗與人曰人謂鹽務爲腥羶地須知窮竈紛紛以  
我爲主亦親民吏也我不染腥羶誰能染我嗚呼  
觀君言其清操可見矣辛未春委辦

南巡差務料理西湖金沙港關帝廟花園景亭等處

陳設事宜恭迎

聖駕臨幸二次明年三月欽奉

上諭加一級甲戌以痰疾乞回籍家居課子不涉公府  
又六年卒君天性孝友廉介自持生平趣舍大節  
未嘗一悖於理至卹貧困好施予尤爲本懷配程  
孺人與君同生辰有賢行事舅姑以孝聞先君四  
年卒余在太學時與君同學同仕兩任同寅稔知  
君之學行德望也故如其子國子生爾址等之請  
書以遺之以表厥墓且寫余思焉時乾隆二十六  
年十月三日

孝義孟公康侯墓表

杜先瀛

太谷縣志

卷八

藝墓表

十一

甲戌初夏余解組歸里邑庠孟生熙偕弟潛暨姪  
啟桂啟模爲其先人康侯公立墓前石踵門乞言  
於余余與孟累代夙好知之稔矣敢以不文辭乎  
按邑乘孝義傳孟公諱之晉康侯其字也前明辛  
酉武舉候推守備天性最孝當流寇破城時邑中  
士女都被蹂躪母朱太夫人懼其辱也勒婦若女  
盡投諸井而以身殉焉公投最後求死未得賊曳  
而縛之拷掠幾斃已而得釋痛母遭亂殞身涕淚  
交橫哀毀骨立終身不御酒肉迨我

朝定鼎之後天下成平始復成家焉一生仗義疎財  
急公赴難慷慨激昂之氣時見於眉宇間至於工  
詩文諳韜畧其餘技耳考之懿氏卜妻敬仲占曰  
五世其昌晉之封魏也卜偃曰畢萬之後必大自  
古富貴名多磨滅惟倜儻非常之人可以貽厥謀  
而昌厥後耳公孝義著於生前瓜瓞綿於身後歷  
今五世子孫繁衍閨門之內雍雍肅肅毫不聞嗃  
嘻聲所以英賢接踵後先輝映或以德行式乎閭  
里或以才名噪乎藝林吾邑稱望族者必於孟氏

太谷縣志

卷八

藝叢

七

首屈一指嗚呼源之遠者流自長斯天之報施善  
人卽公之利賴其後嗣者與子三煇熒俱庠生舉  
鄉飲競考經歷孫六頎品庠生鴻品候選經歷魁  
品增生鄉飲介賓隆品臺品太學生京品庠生曾  
孫二十一岳太學生密武優生岱馨熙庠生照烈  
寅倬太學生憬忱懷潔灝潛增生濬臻璣武庠生  
璫珩琮元孫啟梧啟桐啟梅啟桂啟樞啟模廩生  
啟周啟疆庠生啟均啟楷啟明啟棟啟樸啟鈞啟  
鈺啟錫啟元啟獅啟筠啟翼啟晰啟林啟聯啟宗

啟章啟哲啟芳啟釗啟浚啟光啟襄啟颯啟翥啟  
寯啟宇五代孫生雯生霞生霖生蕢生蕙文蔚生  
草生華生芸生芬生菖生蘭生露俱備勒諸石以  
志其盛云

奉政大夫蕘村孫公墓表

孫廷蕰

嗚呼惟我顯考蕘村府君塋於太谷城東三里之  
原越二十年其子廷蕰始克表其墓蓋當其始痛  
念先德仰體先志欲表幽光且當俟之於後也府  
君諱有詢字帝咨號蕘村先人自秦遷谷邑至州  
司馬曾祖考成章公十數世於茲有隱德祖考欽  
若公雍正己酉舉人截取知縣辭不仕

欽賜國子監學正文行卓立名重藝林子四府君其長

也生而仁厚幼知嗜學十歲能屬文祖考深器之  
年十五入成均攻舉子業博綜經史有文譽僉謂  
科名可立俟也顧數竒不售安之若素嘗云讀書  
裨益身心科名得失守分安命可耳律度自持足  
跡不履廛市以修身養性爲本敦古處鄙勢利讀

書之暇兼理家政祖父性嚴毅府君愉色婉容先

意承志必得歡心而後卽安孺慕之懷發於性真  
故能歷久而不懈教讀諸叔父殷勤誘掖十數載  
無倦容以愛弟之誠盡悅親之道太和之氣充溢  
門庭行年五十入鄉闈薦而被黜者七學使者  
下車每試必置優等尤見賞於元益蔣公索窻稿  
爲之扼腕曰技至此不遇命也邑舉優行旌以匾  
曰孝友爲政廷夔暨諸弟自幼從學膝下慈嚴備  
至年逾花甲課讀諸孫手不停披庚寅廷夔領鄉  
薦春南叔父中副車府君欣然而年臻古稀矣治

家事井井有條夔鏗不少減益篤於爲善好施予  
無親疎貴賤悉遇之以忠信和易故里中有所爭  
得府君一言而釋遠近稱爲長者之門時祖考妣  
年臻大耋府君孺慕依然率諸子抱孫承歡左右  
堂上顧而樂之怡然忘老壬辰春府君寢疾召廷  
夔語曰我不能盡終養之職永憾重泉汝善事之  
弛光前人惟汝是望母孳厥志異時登仕籍悃悃  
無華古訓是式母蹈俗吏之爲以羞家乘也遂不

起廷夔泣而志之歲庚子吾弟廷益舉於鄉與堂

弟廷召同榜也明年辛丑廷夔成進士分水部吾  
長子錫瓚登癸卯賢書又越十年廷夔由部郎擢  
臺中我顯考府君

覃恩

誥贈奉直大夫

晉贈奉政大夫工部主事應贈監察御史我顯妣

誥贈宜人前妣武太宜人幽閒淑慎克敦婦道先府君

三十九年卒妣趙太宜人寬仁孝謹戚黨無間言

先府君二十二年卒回憶慈幃鞠育以養以教每

大谷縣志

卷八

藝叢

五

以刀尺聲策廷夔夜讀十二載劬勞承歡莫及痛  
何如也祖考妣

覃恩貤贈如考妣府君之志也溯自顯考始塋距今霜

露久更撫躬自維追思先德於是泣然流涕曰嗚

呼潛德無不發之光惟我顯考修德行仁好古積

學治家勤儉不遑暇逸天心默默終老其身於幽

居誦讀以完祖宗數世艱難之業以成弟子孫三

世科第之名其責至重而功至偉由是叔姪同譜

兄弟聯科府君之教澤長矣雖不得有於其身而

龍章屢錫

恩榮二代實足光垂泉壤昭示來茲爰舉懿行嘉言畧  
陳梗概以勒於石俾知廷夔之德薄才鈍幸叨爵  
位罔敢隕越以貽先人羞者微府君善承先德而  
庇賴之不及此子男四長廷夔辛丑進士歷任工  
部虞衡司主事都水司員外郎營繕司製造庫郎  
中陞任掌江西道監察御史次廷垂郡廩生候選  
州同封奉直大夫趙太宜人出次廷益庚子舉人  
候選中書議叙光祿寺署正次廷龍贈奉直大夫

太谷縣志

卷八

夔囊

十六

諱封宜人庶母張太宜人出張太宜人恭敬勤儉內則  
克嫻里黨咸奉爲母儀今年逾七旬壽當未有艾  
也女三孫男五錫瓚癸卯舉人揀選知縣廷夔出  
錫紱附貢生廷益出錫鏞候選布政司經歷廷龍  
出錫璜太學生廷夔出爲廷垂後錫瑞廷夔出曾  
孫男五派昌緒昌錫鏞出晉昌錫紱出運昌錫瓚  
出寧昌錫璜出府君生於康熙四十二年十一月  
二十五日卯時卒於乾隆三十七年二月初三日  
申時享壽七十歲武太宜人生於康熙四十二年

十月十二日午時卒於雍正十二年三月二十四日巳時享年三十二歲趙太宜人人生於康熙四十七年十月二十八日子時卒於乾隆十六年七月十二日辰時享年四十四歲乾隆四十年十一月二十四日未時合葬於城東祖塋之次乾隆六十年三月初六日男廷夔表

河南撫按祭董綸文

附

嘉靖癸丑秋七月夜有逆賊突入歸德檢校董綸與之力戰死之閱十一月初十日壬子巡撫河南

太谷縣志

卷八

藝叢

十七

右僉都御史楊巡按河南御史霍遣歸德府經歷閻芝等厚以賻金爰用牲醴庶豆奠之曰嗟乎若檢校者可以風後世矣予始奉命入河南也卽聞歸德之變檢校夫婦之烈云蓋方逆賊之未逞也檢校職攝巡捕常欲擒之而謀不克遂及其入寇也檢校奮不顧身能力戰之而氣不可撓旣而被執也又能厲聲慷慨視死如歸而志不可奪嗟乎死生之際亦難矣而汝以一身之微當巨寇之鋒

知時之不可爲事之不可濟而浩然之氣毅然之

色曾不爲少變君臣之義無虧綱常之紀可立孔孟之所謂成仁取義者檢校有焉嗟乎若檢校者可以風後世矣且汝妻賈氏見汝之死亦能仗節被害汝姪汝僮知汝之死亦能奮鬪而死不與賊俱生又皆人之所難也當是時汝之拒賊也知有君也不知其有身也汝之妻之姪之僮知有汝也不知其身爲身也是汝能以身殉國又能使汝妻汝姪汝僮能以身殉汝汝必自諒其死之爲安也嗟乎若檢校者可以風後世矣汝子歸將葬汝於故山予嘉汝烈憐汝被禍之慘賻金三百兩茲遣所司修祭且將請贈官於朝立祠於社以揚汝忠以慰汝靈檢校之英爽不散者其亦知之否耶

祭董檢校文

山西巡按御史宋纁河南人

人參三才同具彝倫君臣大義不滅於親黃虞日遠吾道荆榛素餐尸位如越如秦吁嗟董公三晉奇珍昔者結綬贊政吾叻偶逢陽九厥生不辰師賊倡逆大播災屯公位雖卑公志則純罵賊至死奮不顧身公妻賈氏同委埃塵節義成雙聞者酸

辛公姪董魁尋亦就輔忠孝並烈動彼蒼旻孟曰  
取義孔曰成仁公之一家無忝爲臣步趨杲卿效  
法張巡愧彼奸諛草木同氓欽承上命觀風西汾  
悼公忠義悽愴傷神有殺惟膺有酒惟醇精爽有  
知髣髴來臻

祭董綸文

山西 巡撫 呂坤 河南 人

嗚呼睢陽之陷於尹子奇也抗節則有六忠歸德  
之陷於師尚詔也死難則惟我公當養寇時曾獻  
七擒之策及破城日願就五鼎之烹罵賊一門喋

太谷縣志

卷八

藝文祭文

十九

血烈烈乎真卿杲卿嗚呼高官重祿釀禍偷生萬  
姓爲之切齒吾不欲顯指其名惟公身死國婦死  
夫樹千百年忠節之風至今可並秋霜烈日奚屑  
與若等爭榮敬修牲帛馳祭佳城知不滅之忠魂  
當鑒我於冥冥

賦

國朝

青城宮賦

孝廉 涂逢豫 江寧人

臨淄定策興慶呈瑞除逆亂於宮闈靖妖氛於  
亭榭霧捲烟銷日華天翠五雲呈丹陛之輝九  
堊沐流膏之被於是海宇再清泰階重構時邁  
常聞供頓輻輳臨東都而幸望春封泰山而禪  
社首醴泉好時飾大輅以追遊太白九嚶迎乘  
輿而左右過鳳泉與溫水仰薄刑給復之恩施

太谷縣志

卷八

藝文賦

一

獵上宜與下邳有興泰長春之巡狩若夫車駕  
廻旋於澤潞官僚從祀於橫汾改飛龍之舊額  
名北都而重新實則開元之十有一年叶也於  
時幸太原駐六龍煥參井之星分覽佳氣之鬱  
葱乃置永豐之頓爰立青城之宮做大明於禁  
苑象太極之崇隆較蓬萊而增麗擬瓊岳而攸  
同閒館崇臺環如列宿周廬微道儼若干重內  
則紫殿清陰重軒昭曠雕玉為楹削屏如嶂既  
爛朗以舒光復杳窳而難狀珊瑚火齊錯落環

連翠羽明珠紛披滉漾佳名是錫擬蜀郡之仙  
山流水如年感晉祠之清漲當夫姚宋猶存曲  
江未老焚珍繡於庭前禁採珠於遠道賜酺聯  
湛露之歡減膳致桑林之禱魚龍曼衍未襍風  
塵舞馬鬪雞漸隨羽葆持盈戒滿名臣方慮夫  
倦勤喬岳翁河萬方猶頌夫熙皞未幾而驪山  
賜浴太液生波曲舞霓裳按笙歌於天上情深  
鈿合祝牛女於銀河勤政樓前早朝已廢華清  
宮裡春睡偏多晉嶺雲封無復金輿更駕離宮

太谷縣志

卷八

藝文賦

二

門鎖難望玉輦重過此曲奏連昌有箴竹風桃  
之感而聲吞江畔啟新蒲細柳之歌也無何而  
軋犖星凶漁陽烽蠹數奇陽九運窮百六競絕  
天綱爭搖地軸九廟烟塵六飛奔蹙視昔日之  
次汾陰祠后土迴旌於鳳蔚之山駐蹕於象河  
之游鳴麗闕之華鐘振龍樓之鼉鼓桂棟蘭房  
清歌妙舞無不同敗葉以飄風似驚沙而隨雨  
故宮遺塵網戶蛛縈馳道草長瓊墀菌生苔埋  
鈿砌月冷雕甍凄迷夜鐸激楚風箏乃知蘼華

哀艷升沉難測驅羸馬以遄征撫禾黍而太息  
尋馭娑而不見望明光而難卽惟有樵夫牧豎  
謳吟而上下與夫青山白雲縹緲乎其側歌曰  
昔年宮殿化爲墟滿目山川劫燒餘不識月明  
南內教雨霖鈴曲待何如於時埜鳥驚唳斜陽  
如曙邨郭含烟楊花無數顧望長懷昔人何處  
流水杳然振衣而去

鳳山賦

孝廉 姚孔碩 桐城人

倚南軒以延眺露枕郭之奇峯控孤城而巖

大谷縣志

卷八

藝文賦

三

環野澗於西東或昂藏而臨萬仞或飛舞而疊  
千重軼埃埴於霄漢披榛莽之蒙龍望似丹山  
旣攀參而摘井飄來翹羽曾食竹而棲桐爾其  
石竇盤空浮圖接頂風欲下而將飄烟纒飛而  
易冷山腰半折振鳥翻於層巒洞口橫開整龍  
頭於斷嶺露凝而泥土香月出而劍光迥行到  
水窮之處見有龍泉坐看雲起之時知爲鳳景  
石則九點之恒青或一拳而更秀怪同齊女垂  
瘤色是媧皇煉就聳峭壁以摩穹張幔亭而列

繡翠屏千尺澗濺沫以騰珠雪浪一條瀑懸巖  
而振素當夫春風拂暖夏日舒長放名花之萬  
朶接老樹之千章或蛟拏而螭攫或兕蹈而熊  
僵石佛之藤蘿遶足水簾之烟靄橫床亭起鳳  
洲鶯語垂楊之路池開聖母風來菡萏之香若  
乃玉露霏金飈動起綠鴨之寒波結蒼鴻之遠  
陣樵歸而水遶孤村僧定而雲遮絕洞霜鐘晚  
送風連杵臼之聲落葉橫飛醉倒菜莢之甕及  
至朔風乍颯冰葉橫疎溜滴玉虹之駕雪粧瓊

大谷縣志

卷八

藝文賦

四

樹之柎山木凋而山鴉可數溪魚涸而溪鳥相  
呼由來四時之可玩豈獨春色之堪娛也若其  
亭出鳥外客與雲齊憑高極目心曠神怡汾流  
接騰乎白馬太行隱現夫丹梯黃榆高拱紫塞  
低垂象水縈紆而線走龍岡剡崧而烟迷細雨  
吹來飄箕城之墮瓦斜陽送去照妬女之荒祠  
唯無窮之一覽識造化之離奇乃載歌曰鳳山  
高拱鬱嵯峨秋月春風幾度過水噴清冷珠斗

近花開歷亂白雲多羈人自愛龍眠好今識乾

坤怪未了何時一醉臥空山歸去紛紛亂瑤草

耐泉賦

高祖佑

梁山人

維涪灘之上已兮將修禊於明川燦羣英之續  
紛兮與烟柳而綸連景鳳山之在望兮兀嶙峋  
而蹠躑聞流水之潺湲兮乃縱觀乎耐泉循原  
田之阡陌兮路蜿蜒而縈紆漸土膏之芳潤兮  
被卉木以扶蘇麥青青而呈翠兮溪活活以流  
酥尋潛源於垠堦兮披薄靄於山隅其爲狀也  
滴瀝兮如霧縠之浮空津津兮如石乳之交融

太谷縣志

卷八

藝文賦

五

涓涓兮如蛟人之織素泠泠兮如林籟之隨風  
若夫白玉爲姿明鏡如對削根虛無泛香醴醴  
鑿幽境於百靈滌煩襟於一帶掬以手兮碎瓊  
瑤沁以齒兮餐沆瀣嵌竇玲瓏兮杳不知其所  
底潛虬蟠邃兮佻莫窺其所瀨百蟲歛迹兮莫  
汗其潔孤雲拂岫兮倒影其內巖光昭朗兮若  
就浴於淪漣好鳥廻翔兮欲梳翎於澹澹若乃  
風雨條其怒號兮山川黯其無色林木森其薺  
藟兮潭淵慘其昏黑驚千壑之奔湍兮疑萬怪

之惶惑神靈施其變態兮蛟龍移其窟宅若夫  
疎鐘欲曙殘月在天露華如水曉氣澄鮮妙蓮  
華而不染兮弄明珠之芳妍若飲酎之清醇兮  
俾韶顏之渥丹爾其澄泓濼洞靜宵溟濘協太  
陰而化液孕石脈而流精酌天漿於霞髓咽仙  
露於金莖無言起悟兮萬緣俱寂息心觀化兮  
百慮不生若流若止兮挹之不竭非空非色兮  
益之不盈彼徒覽於迹象兮僅堂坳之舟芥孰  
會通於冥漠兮識虛涵之性情亂曰燉哉此泉  
泔且冽兮原素澹滄資宣洩兮及物雖細異井  
潔兮明瑩無滓長澄澈兮爲廉爲讓堪比列兮  
祓濯藻淬我心悅兮

太谷賦

並序

邑令

郭

晉

河陽人

三都賦序譏上林盧橘甘泉玉樹以爲生非  
其壤出非其所於辭易爲藻飾故山川城郭  
稽之地圖鳥獸草木驗之方志風謠歌舞各  
附其俗魁梧長者莫非其舊太冲蓋直以賦

爲志者也課虛者易巧徵實者難工班固以

爲古詩之流太冲以爲賦其所見各有當焉  
耳今年春邑人纂輯志乘余因得逐門校閱  
簿書之暇綜括其事而爲辭蓋亦歸諸詰訓  
之義其辭曰

有東南賓問於陽邑主人曰蓋聞唐冀虞并夏  
商纘籙維蒼姬之膺圖大桐封而展玉晉則處  
父食采漢則馮魴建國越六朝以至隋迺改邑  
曰太谷說者謂太行之支條蓋千餘里而逶迤  
以相續也分合於三唐倏擾於五季轉移於靖  
康之間歷元明而沿置然而勝國中葉兵燹者  
三人民蕭條村郭罕完維我

國家深仁廣澤薄海內外載歌載絃茲邑之衆相  
與沐浴

聖化者百數十年而於今稱富庶焉吾子攬其風土  
有日矣盍爲賦之以著於篇主人曰唯唯邑之  
分星實維參井襟遼和而帶祁背徐榆以面沁  
其山則有鳳山嗟峨撐雲匿景矗窳堵之三峯  
建招提於絕頂鼓兩翼以高翔儼鵬運乎南溟

雪峯孤矗迥寒凝陰片石特立疊砢礚歟界八  
賦而環大塔對恤張之遙岑白壁灰泉石馬藥  
伯陟松嶺與磨龕羌取徑乎奄谷八卦陰闔而  
陽開咸陽岡迴而路複其水則有城南烏馬象  
水秋波龍泉靈液乳溜陽阿瀦三池於山半比  
飲酎之醇和游士聞之而蠟屐詞人對之而興  
歌疆場之廣厥土上上芳隰綺交繡膝雲曠畚  
鍾旣興溝渠相望其城郭也崇墉截業周以重  
門經始於建德之歲繼葺於景泰之元雖戎馬  
之搶攘彌抔築以固藩睥睨雉列樓櫓鴻軒西  
北登眺於夕景東南賓麗於陽暉凡以待

熙朝之管鍵淡衆心以盛民是以積潦無驚占巽

占離穰穰熙參得而咸宜也廨舍之設與城

並昉溯後周而暨今制日闢而宏敞厥地維中

厥塏則爽啟大觀而遐矚攬殷繁於指掌其中

則街衢交錯衡宇駢連百貨所極列爲肆廛行

者不得顧御者不得旋璣貝璀璨錦綺爛扁阜

雍通豫屯幽集燕吳越之所炫耀交益之所懋

遷猗頓之所藪蓄波斯之所未爛以時而至充  
塞乎其間賓曰懋哉川融而山結泉甘而土肥  
觀邠隍之業業視堂宇之巍巍與夫閭閻居積  
之繁穰所聞於此者庶幾乎主人曰未也今夫  
見箴竹者知淇澳見版屋者識秦風繫茲土之  
所產紛黍麥其最豐稔稻則侯城之野菽粟惟  
厥土之同果美林檎龍門斯毓葡萄甘漿回馬  
之谷考逸事於羣芳特擅名乎秋菊茲蓋里人  
所艷稱三晉未能以比躅其木則榆柳桑槐椿

太谷縣志

卷八

藝文賦

九

楸松柏其草則荻葦蒲藍薜荔苜蓿載飛載翔  
厥類逾百時有鸛鷗亦有屬玉獸則元兔秋肥  
白狼冬伏其餘惟所恒畜至於聲有高下氣有  
緩急風自上而移俗自下而習漢有經術之譽  
隋有循理之稱力勤者用自積土厚者氣自淳  
機杼軋軋燈火熒熒窮簷委巷書聲比鄰於是  
橫舍莘莘弄經度史溯俎豆於千秋自崇寧而  
肇始考遺跡於萊陽世增飾以崇祀鳳山之建

隆於前朝俄臯比之撤席迷舊趾於蓬蒿纘嘉

名而媿岳麓實前呂而後高焚膏繼晷懷鉛握  
槩之彥矻矻孜孜此焉不倦壁魚傳繪事之祥  
鳴鹿紛秋風之宴藻采葩流翕然風變祀典所  
著壇廟攸同或奉籩於春夏或薦醴於秋冬義  
式乎祭法儀定於秩宗有司以祈暘雨居人以  
卜歲豐更有載毫遷桐宰衡一德狐趙韓襄貞  
觀英鄂剗始莫詳君臣配食冕旒冠劍之鏘鏘  
偉容觀而崇法飾與夫紺宇琳宮輝煌金碧殆  
不能以紀極也古蹟則堤從伯繇戎有咸陽溝

太谷縣志

卷八

藝文賦

十

名趙簡道說王良免胄記箕城之戰遺墟留草  
色之芳萬年卽龍泉之號青城在洛漠之鄉兼  
武村與寧靜並徵信於初唐吳塚傳疑馬陵襲  
誤毀粧沿妬女之祠種菜指英雄之處惟考片  
石於寒山錄之集古而可據然而人以地重地  
以人傳與繁稱於信美盍俯仰於名賢僭儻英  
英隸書特善辭長記室武捷沙苑探雨粟之遙  
源啟周文於釋奠前稱杜母後稱杜父巷諺衢

謠政績斯著卓哉武君游歷臺部廣漢翁歸曷

足比數太邱清介德頌荆襄容駟方于埋輪擬  
網天水岳立操勵冰霜流愷悌乎千葉洵靡忒  
於循良刻篆雕文規行矩止名耀儒林篤行之  
子論核乎典墳辭協乎宮徵響和乎墳簞事無  
慚乎帖吧揚之則賈馬淵雲姜肱季偉之徒所  
不能擬者蓋不可殫紀若夫丸熊畫荻截髭磨  
筭竹帛載揚於盛典柏舟矢詠於風詩篇連牘  
累爲銘爲碑仰同高乎止水樹綽楔於通達斯  
尤一門之獨冠允躋巾幗於鬚眉且夫勲莫炳  
於旂常事莫危於鋒鏑慘莫深於橫草義莫烈  
於裹革孤忠留絕徼之魂

沛澤降

九重之恤並執戈之注錡亦軀捐而理得蓋惟

聲教覃敷平康正直故雖叢爾之一隅咸知自奮  
於簡冊也至若影纓曳組冠蓋蟬聯肩交轂集  
填閭溢閭隴畝蒸蒸家給而人足蹈德詠仁含  
哺鼓腹惟賓車之戾止固蔚然其在目主人言  
未及終賓避席而起曰盛哉蘭臺令所謂士食

大谷縣志

卷八

藝文賦

十一

舊德之名氏農服先疇之畝畝商循族氏之所  
嚮工用高曾之規矩粲乎隱隱各得其所者斯  
之謂乎主人曰此其大畧也稽舊典考新制搜  
前聞集逸事盍詳言之以著於志

大谷縣志

卷八

藝文賦

十三

詩

金

馬嶺

知制誥元好問 忻州人

仙人臺高鶴飛度錦繡堂傾去無路人言馬嶺  
差可行此似黃榆猶坦步石門木落風颼颼僕  
夫衣單望南州臯落東南三百里鬢毛衰颯兩  
年秋

過龍泉寺

元好問

懸麻白雨映層崖過盡行雲晚照開可是登臨

太谷縣志

卷八

藝文詩

一

高興動馬蹄新自太行來

其二

遠渠寒溜夜潺潺說有蛟龍在石間可惜九天  
霖雨手一泓泉水伴僧閒

明

鳳凰山

按察僉事謝肅 上虞人

鳳凰不世出覽德乃游翔虞庭既來儀亦復來

周陶云何太谷山而以名鳳凰山岑若騫翥佳

氣凌蒼蒼一朝有靈鳥至自蓬萊鄉厥聲應律

呂其羽爛文章雖無醴泉湧飲之甘且香豈乏  
梧桐生莘莘當朝陽一枝暫棲托含意在八荒  
奈何鷄鶩羣聚嘯方捨攘高舉辰雲漢與世邈  
相忘

鳳山書院

參政 郭 鑑 關中 人

甲第何年建層雲起棟梁九苞垂羽翼萬里看  
翱翔軒近河山色簾開爐篆香時時冠蓋集愧  
我未登堂

其二

太谷縣志

卷八

藝文詩

二

雨霽靈臺靜橫經對鳳山黛分千里色水繞幾  
村灣彝鼎銘夔契弦歌樂孔顏風塵羈吏事長  
嘯未能攀

武侯廟

大學 薛 瑄 河津 人

南陽躬稼似天民感激元因枉顧頻初識樓桑  
親帝胄還如白水舊真人已從荆益開王業幾  
欲咸秦掃寇塵歷數雖窮遺廟在大名常與歲  
時新

其二

乾坤不復有斯人間氣竒才絕等倫管樂規模  
難並駕伊周事業可相親紅旗幾出褒斜道綠  
野還耕渭水濱時去千年猶廟食英風凜凜漢  
忠臣

松嶺

楊濬

驂騑蹀躞踏春晴景物無邊慰客情一徑松陰  
穿十里半空雲氣溼雙旌漫看紫翠吟偏好祇  
恐丹青畫不成未得投鞭少礮礮却慚身世絆  
浮名

大谷縣志

卷八

藝文詩

三

題太谷葡萄酒

少司徒高啟姑蘇人

西域幾年歸使隔漢宮遺種秋蕭瑟誰將馬乳  
壓瑤漿遠餉江南渴吟客赤霞流髓濃無聲初  
疑豹血淋銀鬕吳都不數黃柑釀隋殿虛傳玉  
薤名聞道輪臺千里雪獵騎弓強凍皆折試唱  
羌歌勸一觴羶房夜半天回熱絕味今朝喜得  
嘗猶含風露萬珠香牀頭如能有五斗不將輕

博涼州守

葡萄酒

王翰

揉碎含霜黑水晶春波艷艷煖霞生甘漿細挹  
紅泉溜淺沫輕浮絳雪明金剪玉鈎新制法紫  
駝銀甕舊豪名客愁萬斛憑消遣一斗涼州換  
未平

寓太谷分司

提學  
副使

周

莆田人

秋來鄉思正如流何處悲笳復戍樓薄宦羈人  
堪自笑舊遊回首忽驚秋窮年遠道憐衰馬充  
屋陳編慨汗牛我愛當年范夫子江湖廊廟一  
生憂

太谷縣志

卷八

藝文詩

四

秋日登鳳山

兵部  
主事

趙夢麟

永年人

太谷城南繞鳳臺蕭條秋色亦悲哉雲開恒霍  
參差見地坼河汾日夜回石壁莓苔丹嶂合沙  
村晴靄翠烟開秦兵趙壘俱銷歇今古關情無  
限哀

遊鳳山寺

趙夢麟

寶塔千花舍利光原陵秋草鬪斜陽風傳萬壑  
聞清籟雲擁千峯護法堂孤磬數聲驚碧落幽  
花幾片浥天香山川矯首塵心遠謾說浮名在

帝鄉

耐泉夜飲

趙夢麟

秋烟漠漠草菲菲滿逕黃花落未稀  
村酒偏宜狂客醉冥鴻故向逐  
臣飛盈盈月色侵苔砌  
浙泉聲繞翠微酩酊不知歸  
去路欲從漁父叩巖扉

同雲匡殿下遊鳳山

邑令

初

旦

博興人

登覽歷青磴招提出上臺泉聲雲外度  
鴈影日

邊來小憇梅花帳頻擎竹葉杯  
王孫豪興發薄

太谷縣志

卷八

藝文詩

五

暮未言回

登耐泉閣用韻

李

苜

壽光人

梵宇雄開蘭若幽半天危磴倚瑤樓  
山風裊裊聞天籟泉瀑潺湲赴壑流  
閣影未沉波底月松濤猶聽嶺頭秋  
寒巖極目憑欄處一嘯能令豁醉眸

井神山中

邑丞

孫愛之

內黃人

我愛山村裏幽居四五家柴門關  
白日石室鏤

紅霞谷靜聞啼鳥林深見落花  
翛然有客至采

葉旋烹茶

遊隆道宮

陳璧

學仙尋入玉茅山  
廣廈連雲縹緲間  
爲客醉眠門半掩  
堦前花落水潺潺

象水秋波

陳時道

露白沙明秋水清  
粼粼巧作珮環聲  
簞紋不假風中動  
琴調還從雨後生  
燕尾漫分寒漱石  
鴨頭淺漾碧凝泓  
臨流每劇觀瀾興  
一曲滄浪自

濯纓

太谷縣志

卷八

藝文詩

六

古城芳草

陳時道

尋芳何處可閒行  
蘚瓦苔蘚認古城  
雉堞有墟烟澹澹  
花封無跡草菁菁  
連天易起王孫怨  
匝地偏娛牧豎情  
俯仰頓生今古恨  
斷垣荒壠叫倉庚

吳塚斜陽

陳璧

古塚纍纍望後先  
何年曾此葬高賢  
道旁竚立誰爲主  
身後茫然失系傳  
衰草荒原閒白晝  
寒鴉古木插青天  
芳名不共乾坤久  
一任樵童牧

豎眠

松嶺雲朝

陳時道

峻嶺喬松倚碧空  
曉來雲物見天工  
濃盤螺髻  
奇峰翠淡抹  
鮫綃薄靄紅  
出岫不隨風  
縹緲從  
龍常捧日  
瞳矇須臾變  
幻渾無定  
化作甘霖濟  
域中

耐泉春水

陳時道

石窟甘泉湧  
玉漿流爲溪  
澗止爲塘  
落花暖漾  
胭脂潤  
斷苕晴浮  
翡翠光  
分脈溉田  
多利澤  
汲

太谷縣志

卷八

藝文詩

七

源釀醴最清香  
鳳洲亭畔蓮池曲  
歲歲豪唵泛  
酒觴

再遊龍泉寺

趙體敬

再欲尋芳到已遲  
野塘猶自臥殘枝  
尊前幸有  
楊花在飛去  
還來戀酒卮

甜鳳山寺

武瓚

勝境開初地  
幽人足賞心  
崖邊蒼霧合  
嶺半白  
雲深樹色侵  
禪榻  
泉聲接梵音  
夜闌猶不寐  
清

氣襲衣襟

弔殉難李氏十三貞媛

大學士 劉正宗 山東人

坤維蕩圻無與挂寇焰鴟張震鼙鼓郡摧邑陷

嘆此離紅顏紛紛隨賊伍浩氣獨鍾迴不羣太

谷芳踪萃一門婦姊妹並姻戚十有三人皆

貞魂匪由相勸匪相迫重泉相見骨同白內有

二婢未書名載向彤編勵巾幗不見蹈海田橫

客至今且傳數五百我欲長歌歌轉急晝日爲

昏烈風襲投崖赴火差堪匹頑夫可起懦夫立

大谷縣志

卷八

藝文詩

八

寄言帶劍或垂紳莫把鬚眉讓婦人

前題

大學士 張 端 東萊人

舍生取義古難紀魯國裁傳二士耳獨有田橫

五百人甘心同殉歌變徵天遣鬚眉事巾幗偏

教閨閣垂青史劍光逐地化長虹不在男兒在

女子憶昔陰霾日月昏鬼弧夜射參狼死六朝

粉黛弔青燐玉碎蘭焚泣蔓藟燕子驚飛別舊

巢笙歌重按衣羅綺咄嗟烈婦何清剛獨向羣

非爭一是海底塵飛淚迸枯手披蕭艾尋芳芷

恨天不遣作男兒躍馬橫尸沙磧裏毅魄猶堪  
作鬼雄丹心直爲存真恥肯將蓮質墜污泥薄  
命朱顏長已矣姑率婦兮母喚兒妻攜妾兮妹  
從姊更訝鄭婢亦知詩共賦靡他清瀾瀾竇氏  
投崖骨愈馨曹蛾赴水魂偏喜駢肩入井化澄  
波血漬土花凝碧紫珮玦聲低午月寒陰房火  
滅秋風起泉臺寂寂閉山邱夜壑潺潺咽荒壘  
婦死貞兮臣死忠人生大節應如此寄言諸壻  
及阿翁莫向殘枝哭舊蕊烈性豈知身後名於  
今握管空題誄招魂何處起湘靈明明千秋月  
在水

大谷縣志

卷八

藝文詩

九

題慈節傳後

傅山

陽曲人

亂世死一婦歎霎真微末不死再脂粉幡然有  
難活智井待賢媛蝴蝶潔如脫書袋漫捺觚丹  
青莽抄撮乃令面目假識者笑塗抹大官省繁  
縟餅師與战歟不爲渲雲鬟束帛聊髻髻傳神  
正阿堵豈復來疑喝所以有道碑中郎不媿汰  
文章有廉耻詞場亂可撥

甲午典晉闈與郝世翁共事二旬撤棘過飲賦

此序別

光祿少卿程正揆

刻漏分銀燭連宵醉玉醪君心清止水客意入  
林臯夜雨羈人致籬花世外濤但須拚痛飲不  
必讀離騷

其二

名宿文之伯風流令也仙民歌新雨露俗返古  
山川翻眼多成白微言盡入元脩然稱吏隱不  
用買山錢

太谷縣志

卷八

藝文詩

十

其三

秋老行雲嬾情深旅况繁廿年通孔李十日飲  
平原白雪時驚座清風獨掃門主人高北海敢  
不罄罍尊

其四

氣自凌霄漢情猶入管絃癡腸尋舊約丰緒想  
當年此夕餘風月誰今重諾然鳳山應有夢爲  
寄彩雲邊

同鮑君正武萬祺登鳳凰山絕頂

太原王秉乘順天  
司理人

谷城南望蔚蒼蒼  
面郭山高起鳳凰  
百尺練飛鳴玉竇  
千尋盤曲繞羊腸  
中年濟勝勞何病  
宦裏探竒醉不妨  
纔到諸天窺色相  
風酣木脫遍身涼

其二

深秋山寺靜  
纖埃山頂浮  
圖客到開羊舌祠  
田皆北望馬陵戰  
氣自東迴雲留丹竈  
幽人計柳種花城  
令尹材遊覽一時多  
不厭同尋勝地共

太谷縣志

卷八

藝文詩

十一

徘徊

遊耐泉

榆關魏一鰲新安  
刺史人

鳳山之側側復山  
耐泉百道飛潺湲  
偶來兀坐松根石  
山光潭影共閒閒  
高閣倚雲雲倚閣  
一泓甘冽隨心酌  
綠繞青排野鳥啼  
盡是幽人羽士之  
邱壑丹竈荒涼半  
掩扉古洞烟迷鎖  
翠微山石青青寂  
無語巖空澗水唾  
珠璣萬樹參差銜  
日暮牛羊點點下  
山去一聲長嘯振  
林臯仰

天明月娟娟吐

春日遊鳳山

邑令 吳琦起 江南人

爲謫民隱借春遊  
父老懽呼夾道周  
天語薰吹紅日近  
臣心清向碧泉流  
花因微雪頻添額  
鳥帶輕風略轉喉  
蒼翠滴來衣欲染  
鳳山佳氣已全收

九日登奎光樓

韓宗文

三秋清霽瑩如水  
况復樓高接遠空  
人在蕭蕭秋色裏  
樓當鼎鼎鏡光中  
山邀返照偏凝紫  
楓染繁霜更著紅  
好境不甘無酒度  
借人杯斝嘯

大谷縣志

卷八

藝文詩

十三

西風

登耐泉山

吳璵

秋氣催禾黍登臨望遠空  
雲迴丹嶂合路斷玉流通  
郡邑蒼茫裏桑榆指點中  
崖頭一勺酒誰復問恒嵩

遊鳳山

賈一梧

純灰覓十斛洗我胃腸塵  
痛飲黃公酒遨遊杜曲春  
烟晴山睡足雲護月蛾顰  
猶戰蝸牛角揠揠鬼笑人

趙簡溝懷古

杜可柱

翼圍較獵幾千秋此地傳名簡子溝尚憶輪蹄  
多馭馭空餘山水自悠悠樵歌牧謔憑朝夕兔  
走狐奔任去留花落花開皆一夢何須憑弔賦  
閒愁

王良道懷古

杜可柱

茫茫山麓一途通想見當年御士風寧範馳驅  
甘賤技肯從詭遇博良工野鳶旋轉秋雲上老  
樹蕭騷夕照中觸目流連追已事令人懷古思

大谷縣志

卷八

藝文詩

十三

無窮

遊鳳山

胡堂

載酒龍湫勝鶯花三月天纔離山隴後旋到水  
隈前白石磨鐫煮輕茵薦席眠杯盤狼藉處誰  
數綺羅筵

遊磨龕寺

孫雲襄

沿澗尋蕭寺琤琤踏石行嶺雲烟滉漾林鳥語  
嚶鳴一塢一山色無溪無水聲天空澹白日心

眼與俱清

鳳山春色

胡衍虞

春醒寒山睡朝嵐接遠天翠含初霽雨青染未  
浮烟花氣風中落鐘聲雲外懸攜尊來一嘯人  
在畫圖邊

遊耐泉

胡衍虞

一簇谿山入望嘉曉烟深護道人家參差樓閣  
連雲聳斷續流泉引徑斜酒薦碧荷初展葉詩  
題幽澗爲名花尋竒盡日餘遊興臥聽松聲送  
晚霞

太谷縣志

卷八

藝文詩

十四

夜坐磨龕山寺

龐世淳

半嶺橫孤寺穿雲度碧岑古松風作語清磬夜  
傳音有鳥皆聞法無僧不證心塵懷欣共寂何  
必海中琴

耐泉道中憶舊

龐世淳

記得春遊日籃輿此共行鶯花殘客句鷄黍野  
人情敢以文章重差憐氣味清十年重覽勝懷  
舊獨吞聲

登鳳凰山

杜亦頊

滌囂思選勝何必不山頭憇足逢僧話披襟散  
客愁虛舟齊萬彙泡影幻浮漚悟得真空相塵  
氛象外休

遊龍泉寺

孫芝

寺向深林闢山從仄徑緣巖腰高結屋石眼暗  
通泉妙演蓮花偈枯叅柏樹禪空青金粟界慈  
渡利人天

古城芳草

邑令 王澤沛 北通州人

東風吹綠到荒城草向平臺亞處生射堞憑高

太谷縣志

卷八

藝文詩

五

延聖色女牆無礙放新晴尋芳莫遣悠揚蝶隔  
院空傳睨眈鶯誰似大夫遺故窟斜陽一抹繫  
離情

鳳山春色

王澤沛

不放春風度玉關遮迴幾疊翠雲鬟西崑金碧  
神仙使北闕樓臺錦翼山屐齒香黏盤磴曲裙  
腰青匝斗城環一從翹羽高岡後人在桐花竹  
實間

別太谷百姓耆庶

邑令 呂崇謐 寧陵人

四年作令竟如何回首秋風餘恨多長葛碑螭  
空夢想晉陽保障嘆蹉跎荒烟依舊靈松嶺渴  
澤那堪對象河謝爾攀轅諸父老余抱病具詳諸紳士百姓  
懇留余著人開論乃已白雲深處是松蘿

其二

跂看雲鶴入遙空白塔亭亭望眼中鹿洞書聲

須杏雨雉城樓角動秋風

書院初成尚未開帳修城興工尚未告竣

此二件乃余不了心事故云

鼠牙穿處網鉗設犁脚深時黍

稔豐

二句勸農總訟務農

守分好迎新父母鐵船一去各

太谷縣志

卷八

藝文詩

十六

西東

別紳士

呂崇謐

太行之谷原膺撫其俗敦龐士氣儒自我綰符  
多惠好與君判袂費踟躕五賢欣接駒堪繫三  
異羞聞雉欲雛只此一聲南浦曲鳳凰山上月  
輪孤

別諸生

呂崇謐

道義相交閱四年剡舟苦海案頭牽方期菊酒  
賡同調忽漫秋風是別筵事業須憑經學出文

章總藉性靈傳離亭一語揮鞭去無限情思寄暮煙

分題酌泉山八景

柳溪春漲

武一韓

柳溪清湛湛溪柳綠依依蘸水柳絲下趁陰溪鳥飛輕颺織霧縠斜照散晴暉一夜迎梅雨蒼茫沒釣磯

松嶺秋風

武一韓

曲磴精廬上引年秦大夫一時封爵貴千載性

大谷縣志

卷八

藝文詩

七

情孤偃蓋童童匝秋濤謾謾呼林花非不艷柔脆氣何奴

古閣雪晴

杜亦衍

巉巖開淨域虛閣擬危樓積翳封殘埽霜花勝六收慧鐙懸劫火佛日照闍浮鐘鼓晨昏課空

山梵唄幽

寶塔雨霽

杜亦衍

雙聳摩尼塢山頭潏黛聯烟彌函寶界嵐重雨花天衆鳥銜雲去孤蟾抱月旋晴昊旣皛皛何

物不鳴嗎

山寺鐘聲

杜先瀛

欲喚人間夢須鳴上界鐘一聲殘月落萬井曉  
霜濃莫作楓橋聽偏宜鷺嶺逢翛然塵劫外深  
省發惺忪

煙蕪牧笛

杜先瀛

桓伊三弄後寂寂子猷船偏此烟霞市私爲豎  
圍天短衣裁至髻丫角半垂肩牛背無宮笛低  
高任口宣

太谷縣志

卷八

藝文詩

六

絕嶂朝暎

杜首瀛

絕頂疑登岱天門叫曙鷄翠開山色曉紅壓海  
潮低鳥語露猶泣樵行徑不迷扶桑真未遠冉  
冉到招提

清流夜月

杜首瀛

水流每在曲月到與俱云天窟一輪轉波間萬  
頃分菰蒲自蔓種鷗鷺各呼羣過石飛寒玉泠  
泠清可聞

耐泉春水

孟京品

拍浮漫笑酒人狂，可是移封到汝陽。乳竇細流  
看鴨綠，糟牀大杓想鵝黃。泥融不碍名山屐，風  
暖偏宜曲水觴。牧豎未須重拍手，遊人已在杏  
花莊。

象水秋波

孟京品

木落西風古渡頭，蕭蕭景物望中收。數行旅雁  
依寒渚，一派清光接素秋。衰柳叢邊迷客望，蒼  
葭深處起漁謳。暫來沽酒黃花醉，倒影遙看月  
上鉤。

太谷縣志

卷八

藝文詩

九

象水秋波

牛宏道

象水悠悠去，連天一色秋。澄光含遠岫，靜影映  
層樓。岸白蘆花放，波紅霜葉浮。潑澗環谷邑，迢  
遞達汾流。

耐泉精舍

孟世祿

結屋青峰下，移身就翠微。孤琴留月聽，半榻待  
雲歸。丹火侵花砌，茶烟斷石磯。憑軒清意遠，月  
送鳥飛飛。

耐泉春水

孫有誼

陽和瑞靄冒潺湲春色溶溶在水邊泉長不闕  
紅杏雨波光別漾綠楊天無心遊子窺金鯽有  
意山僧種白蓮甘美如飴堪釀酒分流共喜灌

桑田

奎光樓

孟攀雲

奎樓高聳鳳城巔四面光涵碧落烟直接青霄  
凌策府遙瞻紫極燦星躔牕虛平挹三山翠鑪  
篆斜浮萬里天更繞雕欄雲五色彩聯文苑筆  
花鮮

大谷縣志

卷八

藝文詩

三

遊磨龕寺留題

孟周儒

松徑斜開獨木門磨龕別是一乾坤幽崖泉噴  
聲如吼古剎山銜勢欲吞紫霧橫空迷鳥道烟  
蘿和樹鎖雲根深林把酒還題句石上淋浪醉  
墨痕

春日鳳山道中

侯帝愷

花溪明媚柳溪斜不亅山中景更嘉萬頃松雲  
遮鳥道四圍嵐翠繞人家水穿巖脚泉能語苔  
長峰腰石作花長嘯一聲千壑應林西驚起半

天霞

鳳山歌

涂逢豫

江寧人

太行崔巍天下脊積石龍門皆控搯混茫直接  
昭餘邴修見蒼崖生羽翮造物靈氣何鬱葱茲  
山獨秀羣山中景風欲起誰啣噉白雲舒卷青  
梧桐我來正值清明後碧柳紅英競紛糝踟躕  
獨出縹緲間馬嶺松峯皆俯首少年展齒常不  
踈窮幽陟險尋奧區何當凌風躡巔際嘯聲直  
上三浮圖年老苦無濟勝具惟看一帶嵐模糊

大谷縣志

卷八

藝文詩

三

攜琴高臥長松下林間好鳥鳴提壺逝將重來  
挹新翠秋深夜宿龍泉寺泠泠石籟聽鳴岡幽  
磬一聲山月醉

咸陽

涂逢豫

鳴笳鼓角戍樓荒白草黃榆古戰場千里山河  
雄趙壁不關秦地有咸陽

九日登大觀樓

姚孔碩

桐城人

九日并州客登樓此縱觀亂山明夕照低鳥入

危闌地接龍岡迴波流象水寒與誰同作賦收

景集毫端

其二

四面臨軒敞，依空勢欲騰。  
沙昏深似海，笛怨冷於冰。  
落日低狐塞，荒烟暗馬陵。  
當年傳戰伐，遺跡總難憑。

其三

對酒南山近，黃花照眼明。  
晴光飛草地，空響作秋聲。  
人語山城暮，霜鐘古寺清。  
悠悠望汾水，簫鼓不勝情。

太谷縣志

卷八

藝文詩

三

其四

鈴鐸傳空語，金風動客愁。  
微雲下陽邑，落葉滿并州。  
雁唳南天迥，人吟北塞秋。  
蹉跎驚好節，祇益夢刀頭。

遊耐泉

姚孔碩

欵段乘來鳳嶺行，一林疎雨放新晴。  
秋生聖母池邊路，落盡殘荷聞水聲。

其二

尋幽直上小禪菴，遶屋清流路舊諳。  
臥看山椒

落秋雁送人離思入江南

其三

夕陽殘掛映山青十里人歸酒半醒回首一羣  
鷗鷺散晚風吹月上孤亭

大觀樓

邑令

高繼允

梁山人

層樓插漢起中央參井遺墟望渺茫北去關山  
通鴈塞南浮滄海接天章劉琨嘯月遺踪在亞  
子行軍戰壘長爲愛老聃歌

帝力春田無處不耕桑

大谷縣志

卷八

藝文詩

三

其二

鬪鬪魚鱗幾萬家錚錚甲第起簷牙輕烟低拂  
堤楊葉細雨朝開山杏花漫以驕奢迷俗習欲  
將淳朴換繁華使君敢比文翁化地有鳴岡亦  
自誇

鳳山春色

涂長發

江寧人

翩羽何年集翠巒蔚藍天氣景如攢丹霞入曙  
臨阿閣曉日烘晴繡彩鸞雲外三峯渾似削山  
中二月尚餘寒莫辭屐齒頻登險春色偏宜絕

頂看

龍岡烟雨

涂長發

迷離烟雨繡龍岡  
複嶺連川接混茫  
鱗鬣濛濛飛組練  
平蕪渺渺似瀟湘  
山村依約垂楊暗  
畧徇橫斜流水香  
淡墨王維添粉本  
更饒夏木隱千章

鳳山春色

高祖佑  
梁山人

鳳山無定狀  
絕頂坐氤氳  
翠色參清漢  
烟嵐化綵雲  
寒花迎暖放  
聚鳥向朝分  
想見中林士  
長

太谷縣志

卷八

藝文詩

十四

多翮羽聞

古城芳草

高祖佑

春日亂啼鶯  
尋芳到古城  
人來山雨後  
草趁夕陽明  
野馬新調日  
王孫送別情  
芊芊回首處  
盡是可憐生

鳳洲亭

武一范

鳳亭高望翠光浮  
勝蹟堪齊百尺樓  
兩岸青山環紺壁  
一池碧水映丹邱  
逢花選句香生袂  
泥露添醪液滿甌  
醉觀新荷歌一曲  
何須方外覓

瀛洲

鼓樓

孟熙

岑樓鼉鼓戒巖更聳鎮中央俯雉城北闕仰臨  
珠斗近南山低挹畫欄平沙洲擁抱千家小象  
谷迴環一帶明參井直能通冊府星躔拱衛護  
神京

鳳山春色

孟潛

三山真鳳立五色幻春歸竹實垂丹穴桐花綴  
翠微每從韶景至常仰彩苞飛准擬翔千仞卷

太谷縣志

卷八

藝文詩

三五

阿覽德輝

象水秋波

孟潛

象水涵清瀨微波動素秋迴紋澄陣雁淺浪戲  
沙鷗蘭芷多侵岸蒹葭欲溯流斷橋餘夕照何  
處覓漁舟

宿龍泉寺

武先慎

爽氣逼龍泉招提此夕緣僧歸明月下秋老菊  
花前風靜鐘疎後山空鳥寂然川流徹晝夜聲  
在石橋邊

龍岡烟雨

孟啟桂

高岡起臥龍一片白雲封近吸千尋澗遙盤萬丈峯昏烟迷去鳥細雨鎖孤松誰展倪迂筆爲傳此際容

耐泉春水

孟啟模

淑氣通幽澗甘泉注野塘烟飛山滴翠花散水流香臥柳移蘋末新蒲雜稻秧不嫌春雨細已足潤農桑

古城芳草

杜昌炎

太谷縣志

卷八

藝文詩

三

千秋處父有遺城芳草萋萋競向榮風過流香飄斷堞雨垂積翠上頽閣馬蹄緩踏迷春色蝶翅頻忙戀晚晴勝日王孫遊賞際芊眠無限結遙情

象水秋波

武卓

長河新雨後烟浪沒平蕪暮響傳砧節輕波入畫圖氣寒蘆欲動秋盡水尤孤欲溯汾流處前村日已徂

乾隆五十年正月初六日恭逢千叟宴與宴諸

臣各進詩一章

臣孫有誦

崇禧駢集逢韶春下  
詔引年盛筵陳甘膏珍賚

沛稠疊鶴髮鯢齒來紛綸扶桑海國來捧日南極弧

星環拱辰雅管頌笙調鳳凰金盤玉饌擘麒麟

扶靈壽杖拜

恩渥進恒春觴祝

嘏純

視學養老各有義佇觀橋門圍萬人

大谷縣志

卷八

藝文詩

三七

乾隆五十年二月

皇上肇建辟雍釋奠講學禮成恭頌  
臣孫廷召

維

聖崇道維

皇錫極敬迓

天庥祇承

世德

文運光昭治淳化洽緝熙單厥

心夙夜基

天子曰都適皇太學爰

命禮臣圓璧是作建閣其嶽嶽爾環橋其霍霍爾堆

玉其嶠嶠爾擁水其汨汨爾二章

考度考制邁漢越唐辟雍鐘鼓媿美周京

龍旂旒旒迺出

金閭濟濟多士近

天子光鳶飛魚躍玉質金相三章

維春二月維茲上丁導揚明和

太谷縣志

卷八

藝文詩

天

釋奠禮成

宸顏有喜

天語淵閎

闡發妙義簫韶鳳鳴四章

藹藹吉士莫不肅雝際斯

熙會萬象昭融

聖德永茂闢門達

聽普

錫鴻麻萬福來同五章

龐眉鳩杖宴集

闕下叠逢

盛典又有來者環橋觀聽涵濡

聖化共登

熙臺受茲

純嘏

六章

天錫純嘏我

后享之

天秩有禮我

大谷縣志

卷八

藝文詩

三九

后創之馮翼孝友四國倣之億萬斯年教而養之

七章

異命重申

宸思怡悅

睿濠紛綸萬物圭臬聖域賢關海窟月竈無遐無邇

敷文同轍

八章

癸丑仲夏偕廣文崔靜軒主簿吳友梅遊耐泉

山作

鳳山書院山長姚興禮

桐城人

行行復行行仰面得真觀一徑入雲深勝絕無

出右清池湧清泉烹茶如飲耐橫塘一帶幽水

面魚紋皺中有數頃田杭稻苗而秀古柳臥長  
堤新蒲插井爨萬樹綠參天疎枝露竒岫隱隱  
鐘磬聲梵宇飛靈鷲山徑杳而深山勢往而復  
攀蘿陟層巔崩剝懸襟袖迤邐獅象奔盤紆鯨  
鯢鬪龍岡拱北辰鳳嶺塞斗宿并州一望賒良  
苗滋暢茂茆簷十萬家濃綠蔽古埃天地爲圍  
林山河悉籠囿道子軒然來粉本天機逗吳公最工  
山崔顥愛題詩筆底龍蛇走我本龍山人入山  
如語舊坐臥愜終朝風涼煩襟透緣溪緩步歸

太谷縣志

卷八

藝文詩

三

灑灑泉聲溜回首石磷响米顛漏透瘦

春日遊鳳山龍泉寺

姚典禮

太行之山高峩峩巍然屹立盤卷阿蜿蜒直下  
數百里鬱爲鳳凰爭逶迤神斤鬼斧鑿地脈禹  
迹不到窮搜羅就中龍泉寺尤勝重巒疊嶂紛  
嵯峨凌空飛觀插天半琳宮梵宇聲相和通幽  
曲徑萬籟寂枯僧兀坐叅娑麼高樓四面挹空  
翠軒櫺八達春光淹怪石罅穴大如掌林木深

箐襍澗邁飛泉濺濺石齒齒掬手噉流醒愁魔

攀蘿附木上絕頂春山無數修青螺

龍岡煙雨

姚興禮

龍岡曲曲勢盤迴韓武溪邊仄徑開一帶嶺巒  
皆北向漫空風雨自東來濛濛樹色籠煙暗漠  
漠雲陰潑墨堆爲憶龍眠春色好四山紅樹極  
天隈

耐泉春水

姚興禮

匹練飛湍瀉小塘溪迴曲曲引流觴半篙卯色  
添新漲萬片魚鱗燦夕陽石磴翠滋蒲劍綠鈞

太谷縣志

卷八

藝文詩

三

磯人憶藕花香

先叔蒙泉昔遊於此有秋生聖  
母池邊路落盡殘荷聞水聲之

句不堪往事重回首亭榭空悲綠野堂

先叔終  
養歸田

今已下世  
六載矣

鳳山春色

邑令郭

晉河陽人

茲山勢將飛殿宇壓其上春風一吹之新綠忽  
以放我來三年久抗塵惟俗狀已拚稚圭移遑  
作靈運訪今晨值行役烟雲豁相餉浩如千仞  
翔秀色攬躋岩乳溜想桐垂依稀在屏幃絕頂

尚可登蠟屐會幾緡

象水秋波

郭晉

秋色淨平野長天惟一色蒼蒼葭蕩寒我行日  
云夕肩輿度清淺八賦湖泉脈憶昨望霖初襟  
帶此不隔蓄洩會有方愧之鄭白策安得廻長  
波龍象溥靈液嘉生徧禾黍四野無磽壅醜酒  
及秋成侑之以沉璧

龍岡煙雨

郭晉

蜿蜒東南來鱗甲如欲起看到點睛時乃在煙  
雨裡縈青一線盤曳練千重駛連村走牧樵頃

太谷縣志

卷八

藝文詩

三

刻迷尺咫燕脯何人燒雲夢吞未已我讀徑山  
詩籃輿夢蘇子萬壑笙鐘酣之而想如此始識  
昌黎言憑依自爲耳

馬陵積雪

郭晉

千役幾清涼曾見太古雪茲山松檜陰髣髴入  
高潔揮鞭六月道馬蹄不知熱巔巔層雲間屢  
屨鉅關設封鬣彼何人恐是幽人穴冰霜耐久  
寒庶幾比高節傳疑斯太奇臚涓供遺說一笑

諳詩人地志應重閱

古城芳草

郭 晉

訪古半顏垣天涯盡芳草驅車忽過之人言此  
間好嫩綠乍成茵孤城尚餘堡王孫歸不歸霸  
圖溯遺老千載托根榮厥澤疑未掃可能方黍  
苗聊亦擬芹藻雉堞古有恆事遠誰能考落日  
在高原踏青人去早

吳塚斜陽

郭 晉

古塚鬱嗟峨何人此埋骨馬鬣尚崇封龜趺已  
無碣髣髴共稱吳疑似閟幽窟我聞故老言牧

太谷縣志

卷八

藝文詩

三

豎此棲歛家人怪晚歸尋踪趨新月豈料夕陽  
紅未隱天一髮噫嘻復誰覩母乃涉恍惚不見  
鄉里兒夜夢常咄咄

松嶺晴嵐

郭 晉

孤雲獨無依陶公昔所歎松盡雲亦飛斯理同  
聚散虬枝竟若何訪舊迹已漶惟餘巖際嵐終  
古此霄漢清光上翠微落日在遠岸斧斤日相  
尋景物忽以換山容自太初陰晴閱宵旦謾謾

磨龕風依然到山半

耐泉春水

郭 晉

漢史紀河渠遂人法以續我來問水利涓流此  
其獨邑士競淹雅漫說春波綠綠淨夫何爲稱  
名及醞醪胡不溥厥流穰穰盡成熟春風縹碧  
池鳧鶩暖還宿願言汎泉翻毋爲濟水伏嘉生  
萬物滋寧惟豁游目

磨龕雲樹

郭 晉

探幽入奄谷鷲嶺若在眼龕原彌勒同樹是祇  
林產色相片雲窺虛空自縈綰溶溶練影垂青  
靑露光潛膜拜走游人循厓輳車棧昔聞松嶺  
名攬勝虛竹簡懷遠漫江涓豁目快嚙嚙春風  
坡谷行可以叅玉版

雪峯夕照

郭 晉

晴雪在巖樹千仞渾一玉蒼茫日已斜暝意入  
山麓咄哉冰雪叢片石見孤矗掃頂疑山靈探  
竒到樵牧云從太古來沍陰茲未伏我聞泉水  
温近在驪山足礫石與丹砂將毋此間蓄廻看

夕照紅我僕正寒栗

大谷縣志

卷八

藝文詩

三

古城芳草

孟生蕙

處父遺封在名城芳草存幾回尋雉堞一徑入  
花村麥浪添新綠苔衣茁舊痕年年遊屐滿誰  
解憶王孫

吳塚斜陽

孟生蕙

夕照留吳塚傳聞歷歲年何人封馬鬣此地見  
牛眠林薄搖紅葉山光射紫烟豐碑餘鳥篆雁  
字落霞天

耐泉春水

孟生蕙

一帶明流琥珀光望來如到酒泉旁何人欲擬  
修遊記此地端應號醉鄉碧引荷筒宜避暑香  
浮蘭渚好流觴安能爾似秋江水化作芳醪萬  
里長

象水秋波

孟生蕙

澹沲長天接素秋源從象峪瀉清流曉風隔岸  
飄紅葉夜月驚寒起白鷗柳外僧歸看畧約蘆  
中歌發想扁舟中央可有伊人在煙水微茫試

太谷縣志

卷八

藝文詩

三

一求

象水秋波

要問政

蘆花似雪已全秋象水無邊動客愁好趁晚風  
三十里潺潺直送達汾流

其二

要問政

森森長河秋水生橫流一帶遶山城若教移向  
江南路多少樓船照眼明

鳳山春色

孫廷夔

儀鳳何年至翩然化石形每當春雨霽彌覺曉  
峰青柳影迷孤寺烟光覆短亭天然多秀色鄭

大谷縣志

卷八

藝文詩

三

重此山靈

象水秋波

孫廷夔

八賦傳高嶺流成象谷河三秋澄霽景一夕湧  
寒波蓼浦花容淡蘆碣石齒峩阿誰眠釣艇清

興寄烟蓑

龍岡烟雨

孫廷夔

可是南陽勝高岡亦號龍風雷歎大壑烟雨起  
神蹤蒼莽諸邨合溟濛萬木封地靈能沛澤欣

慰徧三農

馬陵積雪

孫廷夔

豁達關門迥傳疑號馬陵遙天橫一髮素雪積  
千層陰磴春無草深岩夏有冰孫龐遺事久弔  
古總難憑

奎星樓

孟生草

高樓鬱律壓龍岡遙接奎躔萬丈光壁府東連  
方列異參墟西映野分唐英靈終古懷蘇軾書  
契當年憶始皇好與科名徵盛事年年祿籍贊

文昌

太谷縣志

卷八

藝文詩

三七

耐泉春水

張惟忠

桑落傳佳釀端應借此泉清甘回齒頰噴薄繞  
雲烟碧玉涵春暖冰輪浴月鮮珠槽鄰舍滴真  
一味能全

象水秋波

孫廷垂

香象曾聞說渡河象因名水意如何秋來但見  
寒潭淨一帶瀾漫起素波

古城芳草

孫廷垂

古城遺蹟止頽垣芳草萋萋接遠村何處牧童

牛背笛夕陽緩緩踏烟痕

陪顧明府龍泉禱雨

劉綬寰

靈山虔禱雨徒步敬陪隨寶塔瞻雲表名泉溯  
水湄人迎村外肅道繞谷中遲鳳嶺途何險羊  
腸路不疲精誠孚衆望昭告格神知墨潑千峯  
重霖含萬壑迷殷雷交會處屏翳效靈時信有  
隨車應欣歌優渥詩

磨龕雲樹

郝依京

崔嵬遙指梵王宮路入山腰一徑通樹色迥連

太谷縣志

卷八

藝文詩

三

青嶂外磬聲高貯白雲中僧歸屐齒穿猶濕鳥  
語簷牙翠乍融渭北江東佳句在登臨懷遠故  
應同

讀征西領隊大臣貴州提督牛毅節功臣傳

孫廷益

君不見亞夫間道伐吳者藍田雜陽馳神馬又  
不見君廓竒計破世充隱擊糧道沉艨艟牛公  
節士鄜城族胸貯六韜陰符熟生平受命亦忘  
身攻堅克敵符前躅川賊跳梁鐵戟張梯山偵

得蒲松岡駭龍夭矯從天下  
蟲沙兎脫狐狸藏  
卷甲大驅木耳寨雲霧四塞天昏黃斑爛電掣  
奮虎翼乃得進取南山梁  
踏穴膊卡穿日耳羣  
賊叫號呼庚癸敢死士前破木蘭望風納款墮  
孤壘宵陰夜雪身獨先伐山開道忘顛連控喀  
變聞木果木慷慨赴敵麾兵前北面再拜旌旗  
揭躍馬橫戈風烈烈霜鋒落眼白羽飛英雄到  
此肝腸裂

聖明天子重功臣圖列紫光墓表碣嗣續賈卹摛鴻

太谷縣志

卷八

藝文詩

三九

文千載名標牛毅節

春日遊耐泉山作

孫廷益

春鳥檐際鳴欣然念晴旭緩步出東城遙山縱  
遐矚煙澹迷溪橋花深塞茆屋路轉徑復寬屏  
嶂排林谷峯嶺鬱盤拏招提隱巖腹嘉樹結成  
帷平田土膏沃中有靈泉通波紋縐新綠

磨龕山寺

孫廷益

鞭絲遙指碧甍松枯陰中此繫驂幾點孤雲  
窺色相一聲清磬老瞿曇詩情峭比懸崖出游

記間從斷碣探明邑令初公旦極目煙蘿歸徑  
有游磨龕寺記

好遠峰斜日正西含

雪峰山

玉樓銀海峭生寒疑是峩眉頂上看片石矗雲

涵古翠

山頂有石嚴冬大雪中此石獨不積名曰雪峰石

夕陽拖凍吐

遙丹清涼境好僧叅偈蹴踏聲停客駐鞍擬向

山靈拈險韻雙尖馬耳和應難

雪峰夕照

杜大賓

縣東百餘里眾嶺重重列特出有竒峰嘉名號

大谷縣志

卷八

藝文詩

四

曰雪朝暉儘可挹夕照彌清徹晚翠色參差幽

岩霏玉屑落霞樹萬紫流影波千折鳥戀不知

還遊情多惜別何曾覩見消宛似電光掣長此

現神靈三呼

聖心悅

石雙節詩

節畧載雙節傳

武先振

冰操豈但列懷清畫荻灰殘淚共傾兩世鸞分

悲隻影重階蘭折喪雙明何堪有後成虛望畢

竟無兒恨再生猶喜宗祧綿一綫書聲長此伴

機聲

龍岡煙雨

孟 淦

不到龍岡三十載是誰遙結小茅隣  
林初暗處雨將落山欲暝時烟正勻  
一籬花村牛背晚滿溪雲浪鴨頭  
春依然好景渾如畫獨立平蕪憶  
故人

吳塚斜陽

孟 淦

事亦尋常景似竒蕭蕭荒壘到今疑  
二三里外烟漠漠六七墓前忝離離  
天欲暮時暉尚在午

太谷縣志

卷八

藝文詩

四

方停處影偏歎何年蛻骨空留姓  
不識先生竟是誰

磨龕雲樹

楊佩三

迷離山谷合雲樹擁磨龕萬壑昏  
清晝千章罨碧潭鳥依車蓋轉人  
藉午陰酣古寺一聲磬禪心靜裏  
叅

古城芳草

孫廷房

寒烟漠漠草茸茸城在居民隴  
畝東無數頽垣侵落照幾行疎柳  
送飛鴻尋芳客去三叉路驅

犢人歸一笛風處父至今棠蔭在當年勝事問

山翁

雪峯夕照

武安宇

天祥亂峯深處幾經行斜照依稀雪正晴千仞碧封  
樵徑絕半山紅濕寺樓明可能鄭綰添詩思並  
與倪迂入畫情逸事更聞村豎說沍寒不點石

庚庚

校張公牛公陳公三忠事畧

孟士奇

菘竹菘竹青鋒簇簇不羨月下影篩金不羨風

太谷縣志

卷八

藝文詩

四三

前聲曼玉但羨勁節古今傳後彫可列歲寒族  
念昔修幹正凌雲陽曦幻出陰霾局烟塵擾攘  
蔽湘江荆棘縱橫縈嶮谷戈矛難自報平安魂  
化八公山草木幸留犢角成琅玕

張公子爾清  
牛公子敬憲

錦綉或見龍孫育

陳公孫  
德文

况復

天垂雨露深

俱廕

新枝何減舊枝綠庾嶺梅陶籬菊

遜此英名青簡錄恨無渭濱千畝在胸中漫倩

管城歌一曲

讀牛毅節功臣傳

籍廷璋

金川三載妖星動雪嶺千盤橫架過日暗風沙  
隨鐵騎天昏雨血灑瑀戈青編此際芳名在白  
骨當年蔓草多爲語將軍征戰地於今官吏已  
催科

春日遊龍門壑觀林檎花 趙德興

春暖山腰絳雪垂林檎花發一枝枝封囊應譜

羲之帖染翰爭哦白傳詩 樂天有月臨花詩卽此花也 熟待

探驪秋雨後艷如銜燭曉烟時開樽便合名燒

尾儘與香風細細吹

太谷縣志 卷八 藝文詩 聖

雪峯夕照 車國翰

夕陽明碧落殘雪在高峯一片寒威勁千林霽

色重凌空銀菡萏攢秀玉芙蓉待得月初上玲

瓏透萬松

龍泉寺 胡浩學

此地堪銷夏森森列古松平池翻月魄懸水破

山容烏倦依龕宿雲歸傍榻封濃陰遮野寺惟

聽隔林鐘

詠白塔 胡浩學

身置浮雲外  
光含旭日中  
精瑩禪骨冷  
潔白塔心空  
踏實琉璃地  
凌虛紫碧穹  
百門能解脫  
曇底覓龍宮

鳳山春色

孫錫瓚

振衣直上孤峯聳  
望盡平原眼欲迷  
萬壑春深烟樹密  
滿村花發酒旗低  
最宜雨後添螺翠  
好趁晴初促馬蹄  
日落昏黃翻夕照  
却疑人在畫中題

讀書耐泉精舍

趙德進

大谷縣志

卷八

藝文詩

四

徑轉幽篁裡  
春風靜掩關  
茶鐺清客思  
蒲褐伴僧閒  
燈火晨還夕  
丹黃注復刪  
夜闌無一事  
泉溜聽潺潺

吳塚斜陽

孟熊占

蘚碧苔斑白石扉  
遊人也此駐  
駢駢遺文何處  
捫殘碣  
宰樹於今尚夕霏  
不信終朝無卓午  
曾聞四季盡斜暉  
傳疑漫紀延陵號  
時節由來上塚稀

雪峯夕照

孟熊占

遙岑恍似白雲封日落斜臨雪萬重輪碾寒光  
融玉樹霄含絳彩熨瑤峰凍禽繞谷棲新霽樵  
子沿崖覓舊蹤晴靄盈空銀屑瘦四山迎暖露  
青容

趙簡溝懷古

侯子正

七穆三桓共等夷涓流猶此號漣漪想因片語  
難忘處爲政會教絕繭絲

春日雨霽登鳳山

侯子正

一林風日作新晴猿鶴驚聞屐齒聲巖溜綠侵

大谷縣志

卷八

藝文詩

四

遊客袂澗花紅護野人耕禪叅玉版抄雲子濤  
起磚鑪試雪坑怪底凭欄詩思好塔簷睨曉叫

倉庚

聖母池觀魚

孟先華

一夜春流漲曲池春風吹縵碧琉璃居然妙悟  
如莊惠看到輕儵出水時

其二

幾許塵懷洗欲空鰕魚春水興應同何當煙雨

深山裡獨著蓑衣下釣筒

松嶺晴嵐

孫錫紱

萬松盤曲曾名嶺此日山空倚碧霄四卷織雲  
天似洗一痕晚翠擁岩巒

磨龕雲樹

孫錫紱

亂山深處響飛泉絕磴巉巖寺半懸一幅倪迂  
圖畫稿雲低萬壑樹參天

雪峯夕照

孫錫紱

八賦林巒接渺冥萬松斜照一峯青漫誇瀛海  
三壺勝雪滿瑤山冷畫屏

太谷縣志

卷八

藝文詩

吳六

春日登鳳山

李向嵐

直上青雲巔孤筇據其勝琪花滿巖谷鳥道通  
一徑屐鞞翠爲迎語響谷亦應阜外孤亭閒天  
風度清磬春雨洗空山坐看山容靚

王良道懷古

李向嵐

水曲交衢逐禽左善御之人無不可由來此道  
說寬平遂以馳驅思範我方明郭支事渺茫岷  
源濫自寒哀觴五星奎北何煌煌於戲千古懷

其方

雪峯夕照

張效先

雪峯高矗對斜曛蒼翠遙從一線分  
片石綠如春雨後古松聲當海濤聞  
樵柯起處驚馴鹿僧鉢歸時踏亂雲  
幽賞未妨頻蠟屐新詩哦擬杜司勳

遊龍門壑觀林檎作

楊遂

底須青李共書求風味茲山獨不侔  
采實應煩靈運屐分甘如御李膺翰紺垂枳徑煙光晚紅暈筠籃露氣秋  
咫尺鳳山真福地衡陽漫說橘

大谷縣志

卷八

藝文詩

四

千頭

磨龕雲樹

孫錫璜

山腰謾謾萬松齊石徑雲深望欲迷  
不是木魚聲度出誰知雲裡有招提

雪峯夕照

孫錫璜

蠟屐何須玉萬重四時好景在高春  
翻因片石寒難到却被人呼作雪峯

松嶺晴嵐

姚世杰

雨霽晨光曙青冥露遠山嵐開重嶂  
外黛點太

虛間杳靄浮空翠  
氤氳澹碧鬢欲尋  
松徑古空使野樵還

陽邑懷古

杜琦

荒城一帶草萋萋  
匹馬經過落照西  
蒐董救江成往事  
亂鴉猶上女牆啼

按晉唐以來辭章文學之儒多出於三晉五季  
倣擾金革之患深詩書之氣乃薄  
歷宋元明稍以不逮非獨一邑然也自我

國家講學右文

太谷縣志

卷八

藝文詩

四

欽定經史古文諸書

頒於黌序又歲科鄉闈增試詩帖帖括之士咸知  
溯流尋源諧聲協韻雖蕞爾一隅搯觚握槩以  
詩文名者指不勝僂故錄其所著以見  
文教之盛焉

文教之盛焉

太谷縣志

藝文詩

四

太谷縣志

太谷縣志

太谷縣志

藝文詩

四

稷山縣葛大年鐫刻

捐貲姓氏

知太谷縣事加三級紀錄五次郭 晉捐銀壹伯兩

儒 學 教 諭崔敏第捐銀捌兩

儒 學 訓 導李 偉捐銀捌兩

分 防 主 簿吳 松捐銀拾兩

駐 防 把 總徐元臣捐銀拾兩

典 史曾 秀捐銀拾兩

闔縣紳衿耆庶

郭 璉 郭人文 孫廷夔 武龍圖 郝世安

太谷縣志

卷八

捐貲姓氏

上各貳拾兩

游巨卿 郭興邦 上各拾伍兩

武主臨 上拾肆兩

武先慎 游巨源 白濟亨 郭 璿 郭大緒

上各拾貳兩

郭 璋 郭紹祖 郭紹緒 要如璿 要秉直

杜騰萬 杜大謨 杜大烈 杜大生 杜煥廷

賈漢績 何永位 賈 璠 賈光譜 解大德

吳企泰 楊世勗

上各拾兩

杜 憲 孫有誦 郭 嶠 楊國謨 牛敬一

郭人麒 郭傳薪 王 璇 孫廷井 張良育

胡運舒 穆應魁 上各捌兩

孟教材 游元魁 郭如儀 白中麗 高鵬舉

龐生華 任一硯 温有瑛 上各陸兩

孟廷亮 郭文炳 郭顯緒 要嗣齡 楊爾華

太谷縣志 卷八 捐貲姓氏 二

郭泰交 張 富 賈桂德 王 旭 張拱良

車奎光 孫咸章 負 煥 張輔舜 車軒殷

崔映海 杜懋功 王斗翀

上各伍兩

成一 郭 玲 郭 璿 郭 恭 郭 琚

郭 遜 郭紹孔 張安常 杜大經 戴晉璋

郭雲章 白豐亨 王光曾 孫廷益 孟熊夢

孫廷萊 孟 錦 孟熊昌 孟熊占 孟元璋

陳德峻 張 寧 高德正 馮天章 武帝輅

胡璞 武先振 貞崇訓 牛樹瑛 郭傳智  
程進昌 白綿長 柳文燦 苗逢年 孟生蕙  
吳連菴 武執蒲

上各肆兩

孫有謚 李楷 武鞏圖 游廷綬 游獻琳

游巨一 游帝簡 游巨邦 杜型預 張廷弼

喬天保 馬幹 郭威秀 王明德 杜可銘

王明孔 戴晉瑤 趙存程 楊成孚 周公善

王統曾 孫錫瓚 孫錫鏞 孟澔 要蘭若

太谷縣志

卷八

捐賈姓氏

三

郭珍 張淵 楊佩三 趙德輿 孟士奇

車國翰 白中靖 張宦 吳企恒 吳雄文

趙秉謙 孫元仁 胡琴年 韓守俊 武執殘

陳琰 陳珪 薛成夏

上各叁兩

籍茂益 上貳兩伍錢

郭璣 郭璽 郭安國 郭廷獻 郭丕浩

楊鳳現 游廷縉 趙廣生 趙錫璋 冀光祖

趙敬業 白泰昌 杜增郁 杜培中 杜培精

賈如誼 賈心誼 杜能馨 孔繼武 賈燦

杜蘭秀 杜養元 喬 棧 喬 樞 喬 桐

喬天佑 牛學商 侯上年 馬尚駿 馬 軫

馬宗彙 趙嘉會 侯友開 張光煥 郭如玉

張鳳至 杜冠廷 張天祿 杜衍喬 杜攀俊

郭永貞 白長齡 白帝俞 侯友方 馬 璘

趙秉鉦 趙朝周 趙秉仁 王者士 呂維鐸

武安宇 胡浩學 孟 鏞 吳 紱 孫國珩

何士英 賈秉懿 杜大賓 白 璵 吳恒勇

太谷縣志 卷八 捐貲姓氏 四

楊鳳鳴 杜 鐸 孟宜謹 張惟忠 吳企車

趙 鏞 郝依京 杜 潔 孔天申 郭子賢

李 宥 侯晉柱 李 仲 田 立 趙德進

郭蕙生 馮 永 杜宸屏 胡 懋 段開鼎

趙掄秀 張全學 武 健 賈進純 孟 珏

郭天旺 李春元 王右衡 温常益 温有慈

張萬年 胡運逢 張爾清 張爾軾 王世雨

要定國 楊 照 要正綱 許福泉 楊 昶

趙朝升 郭自璠 李誠若 杜長榮 喬增望

呂奇全 呂有和 楊合時 楊文範 車榮進

車國珍 楊盛景 龐淳復 龐秀然 孟曰泰

郝霞 車象殷 車俊龍 車行玉 王克誠

車俊龔 吳士勳 吳士達 吳廷桂 吳士鑑

吳士深 吳榮生 吳士廉 吳士毅 吳士卓

王攀鳳 吳微 吳璿 吳殖 吳潔

吳杰 吳璿 吳璜 吳瓊 吳鏞

張天沛 吳良模 武立功 孟龍化 龐若愚

趙士璠 武輔育 孫咸齡 高善慶 杜秀彬

太谷縣志

卷八

捐貲姓氏

五

張升俊 龐夢熊 陳江 孟啟元 賈光籍

賈大齡 馬永泰 劉際華 牛天爵 牛美璧

任琬 牛健修 李天楷 趙琇 田幾和

成麟趾 成汝式 孔永亨 范心泗 白天瑩

石廷璫 韓良佐 侯晉忠 武安國 冀承祖

楊天澤 孟文蔚 孟生草 范元吉 范生礪

吳恒基

上各貳兩

崔照海 張爾星 張爾弓

郭 玠 張 濤 張 洋 杜 柏齡 杜 煥章

杜 大統 杜 人傑 杜 大定 杜 能晏 杜 壯其

游 廷棟 游 廷宣 游 巨謨 游 元哲 趙 廣業

白 泰和 冀 延祖 冀 憲祖 郭 玉璽 李 希白

趙 元士 冀 繩祖 杜 發謀 杜 靈鍾 賈 興漢

杜 培隆 牛 茂育 牛 學韓 侯 統 侯 中興

李 際春 牛 天申 侯 繩武 侯 顯亭 侯 思聖

牛 古鰲 高 世山 牛 天達 趙 天祥 楊 宗典

太谷縣志

卷八

捐資姓氏

王 景盛 楊 景和 游 重福 杜 可幹 楊 廷臣

侯 龍閣 侯 條 趙 錫瑾 孟 袞 呂 世輔

呂 世弼 武 濟 趙 鏞 吳 景文 張 應文

程 爾長 白 中行 武 鎮 杜 信任 武 朝選

武 朝幹 穆 士雅 孟 中正 李 攀麟 張 舒錦

侯 純 李 廷贊 李 獻勳 田 偉 張 應第

杜 懋梁 吳 文成 吳 文升 吳 廷英 趙 廷枳

田 景雍 趙 秉哲 侯 震 杜 潛 孟 崇僊

田 苞 杜 光漢 吳 居鎮 孫 世美 胡 端學

孟啟疆 孟 鈺 杜呈璋 孟中孚 姚嘉會

杜呈琿 姚世隆 李 峴 武 恂 趙廷樞

陳肇舜 陳世恩 負全良 孔繼勇 孔繼舜

白廷召 杜靜安 程爾休 杜國望 杜 懋

石振度 杜定典 李亦勉 李亦昉 李 瓚

李 璧 白忠義 孔繼濱 白 誠 杜 鑑

杜 鎧 白大文 杜錫麟 孟 協 胡良謨

孔繼誠 楊建常 武受祺 高大本 房 巖

段福全 孟 儲 張攀桂 張 寶 張 實

太谷縣志

卷八

捐賞姓氏

七

劉綏寰 孫廷輔 趙元麟 武 貞 孟 揆

杜凌軫 李獻可 白廷偉 吳 珫 孟 墉

李士登 吳兆堂 車國輔 孟宜質 武壽圖

胡映畢 吳聖毓 白國程 孫廷模 武周鈇

杜立基 孟 髦 李 璵 李 璽 李尚信

李尚智 李 琴 李 琚 楊 謙 吳熙文

孟崇綸 杜 澹 王立業 吳繕文 吳 飭

武主泰 武 燦 杜 瑾 陳帝選 吳灝文

杜錫命 武宸佐 武正和 杜世光 孟 周

武渭濱 智正官 田 珩 楊建白 趙 琰

胡映衡 孟中瀆 楊建侯 陳獻瑞 孟 儒

楊如玉 楊士健 王道仁 王治泰 王治永

白善達 高福浩 高執中 高福衍 武執節

張崇功 張丕功 張爾明 張爾旂 高永芳

田其芳 許永年 楊一奇 許國泰 許福曜

高福通 田茂文 史維屏 郭大業 胡應麟

胡映杓 苗嘉藩 苗嘉翼 苗嘉幹 苗挺生

苗天植 苗嘉雨 喬國武 何應鎬 何應鎮

太谷縣志 卷八 捐貲姓氏 八

何應錦 喬英煒 喬鳳儀 段秀發 楊永泰

楊永和 王振宗 武正藩 武定宇 呂有聰

張拱全 呂有智 楊世勳 楊世勇 楊秉智

楊欽時 楊文炳 楊南式 車四俊 車履智

楊 培 楊 坦 楊玉珞 龐應參 何應濬

張懷珍 負 瑜 何紹魁 程元吉 孟廷詔

車國剛 車國士 車肇魁 車元宰 車肇州

車載道 車惠寬 李生蕙 杜 震 李 澆

杜如琰 郝 灝 郝 溟 武邦楨 武兆奎

武步瀛 武其勇 武兆寧 武先烈 龐希祖

孟龍弼 何廷翼 白士樸 石清杰 喬楷

王三級 龐克亮 龐會雲 龐若景 陳德超

陳德裕 陳豎猷 車廷毅 車觀光 車炯南

趙榮輝 趙榮耀 趙榮宗 趙榮名 趙道亨

賈登先 賈大同 孟塔 孟珍 賈遜

薛步青 劉文苑 趙文英 程泰 劉履泰

范爾坊 范全性 范彭年 劉文章 劉文蔚

王鵬翀 范時泰 趙德純 劉文芬 郭振亮

太谷縣志 卷八 捐貲姓氏 九

賈大公 賈澍 韓國柱 韓秉彛 韓正名

李佑 李作 郭玉璽 牛長吉 牛鵬飛

牛天元 牛樹棻 牛德音 籍綸 籍啟文

籍修文 籍茂才 田淑芳 李克昌 崔特立

彭淑人 孔羽鳳 籍廷璵 籍廷璋 李立三

任棣鞞 成人俊 成人鸞 籍遵堯 籍遵聖

籍名成 籍巨賓 籍茂業 籍佩文 籍振文

成人驥 孫德敏 籍秉乾 籍紀 趙榮世

孟灝 孟啟棟 孟啟筠 李价 李則古

范其元 楊超衆 高繼昌 籍秉信 郭自新

安士吉 郭丙 武步雲 武師堯 吳連城

杜鳳威 杜鳳來 杜鳳梧 范元泰 范元輔

范元弼 薛資治 薛弼治 薛進密 孟經

楊得善 杜大觀 史聯榜 白良吏 白良材

史書訓 高良相 孟兆鶴 張成智 温有齡

胡希瑗 趙崇

上各壹兩

大谷縣志

卷八

捐貲姓氏

十

